

麻科活人全書

眼科活人全書卷之四

安成

理濟王受恩輯  
身山劉齊珍原刊

白華堂

華續刊

眼光如水眼眶紅爛在明赤腫眵眵淚生翳第七十四

眼光如水是何因肝腎之熱極而興未發初萌必見此如無斯候別病侵

目赤弦爛淚常淋非失謹風即烟燥治若不早成痼疾急為疎通奏奇效

熱毒餘毒上攻目羞明怕日眩淚多暴赤腫閉目生翳眼眶皮爛宜清毒

眼光如水此肝腎兩經熱極所致乃疳之正候也未發熱與

初熱之間有此症者方為出麻之候如無此症即非麻候如  
有麻毒入目生翳障者以犀角散主之如熱毒上攻眼目生  
翳并暴赤羞明者用羌活散主之。大便滑者去大黃少加生  
只壳微導之。如麻後除毒不解上攻眼目羞明怕日雲翳膜  
淚俱多紅赤腫閉用羚羊角散去黃芪升麻加連翹牛蒡子  
黃連主之。如麻後眼目生翳目赤紅腫眼眶皮爛俱宜用朱  
純娘加減清毒撥翳湯主之。其有眼眶紅爛常多淚者其症  
多因麻之正收時及麻收後不避風寒為風熱所侵或被烟  
薰皆能令目赤強爛而常流淚當即為疎解息以柴胡飲子  
治之若日久不治則為終身痼疾。

蟬菊散

治痘瘡入目或病後生翳障

蟬蛻

去土

白菊花

去梗

各等分為末水煎加蜜汁少許再煎食後溫服

羌菊散

羌活

白菊花

蟬蛻

防風

木賊

枝仁

穀精草

大黃

白蘞藜

黃連

沙苑藜

升麻

為末清米水調下一錢

羚羊角散

羚羊角

黃芩

草決明

車前子

防風

大黃

芒硝

黃芪

升麻

水煎稍熱服

朱純暇加減清毒撥毒場 此方最驗可隨症加減

生地黄五錢 甘菊花 黃芩酒 牛黃子 連翹各七

當歸尾 柴胡各八 川芎六 紅花 木賊各五

草決明研 白茯苓各一錢 甘草二錢

水煎服

柴胡飲子 治風熱眼腫赤爛

柴胡 羌活 防風 赤芍 桔梗 荆芥 生地黄各一

甘草五 水煎熱服

眼閉第七十五

未曾睡着。閉雙眸。脾經火旺。欠清。消。正收收後。多見此。急宜利水。清上焦。

眼閉之症。非熟睡而兩目閉。謂未曾睡着而雙目自閉也。其症多見於正收及收後。蓋因脾經之火。旺盛未消。而然。治宜清上焦之熱。兼以利水為急。以瀉白散。加木通。薄荷。葉。玄參。牛蒡子。連翹。荊芥。治之。火退而目自開矣。

或問脾火旺。當用瀉黃散。而用瀉白散。何也。曰土為金之母。實則瀉其子也。

瀉白散 治肺熱。咳。手足心熱。

桑白皮

美針和

地骨皮

法附名

炙甘草

淡竹葉一把 耘米一百粒 引水煎服

加陳皮 桔梗亦名 加味 瀉白散有熱更加知母 黃芩

或問地骨皮乃三焦氣分藥而瀉白散用之何義也 曰三焦

屬腎腎為肺之子實則瀉其子也 或曰唯

眼多眵涕第七十六

眼生眵涕本屬熱。脾肺二經火未息。無分初起與收後。清降肝脾火為患。

眼生眵涕者。脾肺火甚故也。見此症者。無分前後。即當清降脾之火。以芩白散。見七十五條除甘草。加龍胆草治之。



白珠紅赤第七十七

白珠路屬手太陰。初熱紅赤是本經。正收收後仍赤紅。肺家風熱未清。

目之白珠屬肺。今麻之發正合本狀。故初發熱之時未出麻之際。目即赤紅。此正候也。如出現後及正收與收後而白睛仍前赤紅者。此乃肺經風熱未盡所致。宜清肺瀉火為急。以瀉白散。見五條加荊芥薄荷葉連翹元參牛蒡子治之。赤而腫痛者。風熱上壅也。以加味導赤散。見四十一條加荊芥治之。

雀盲第七十八

非發於心火。群。群。丙丁反悔。壬癸鄉。以致麻後患雀盲。照月夜  
靈四六湯。

雀目者。每至日暮而眼不能見物是也。又名雞目。瞎。又名高  
風障。經曰。眼得血而能視。肝藏血。肝血有虧。煎之火邪旺。盛  
熱。乾壬癸。津血虧耗。致病雀目。至日暮屬陰之時。而目不能  
視物。其治法宜以四物湯。見二十合六味地黃湯。加石決明  
夜明砂主之。或以照月飲。失明夜靈散治之亦可。  
六味地黃湯

熟地黃

石棗肉

五分

淮山藥

分

白茯苓

分

牡丹皮

去骨六分五厘

澤瀉

五合

水煎空心服

照月飲

治雀目立效

真雄黃

研細水飛退

用活雞刺開取熱肝搗極爛入雄黃末五

厘溫酒調服

决明夜靈散

治男婦大小眼目至暮則昏夜間雖有燈光月

亮不能視物

石决明

炒

夜明砂

淨淘

二味各二兩

公猪肝

一兩

母猪及猪之肝切不可用

方肝勿犯鐵器以竹刀切肝作兩片將藥末鋪於一片肝上

將第二片肝蓋合以線扎緊勿令藥末漏出放入砂罐內以

淘米泔水一大碗煮肝。煮至米泔僅存小半碗時。去火於臥  
時以藥肝與汁一齊與服

前方石決明鎮腎益精以之為君

夜明砂升陽主夜以之為臣

米泔水主脾胃以之為佐

肝與肝合以類相從引入肝經以之為使

口氣臭第七十九

足陽明經有蘊熱口中因之有穢息。倘或臭氣不可聞。祇是神  
仙醫不得。

口氣穢濁。乃熱邪蘊隆於胃。宜用清金降火之劑為急。以清  
胃散少用升麻。以開提胃氣。加連翹牛蒡子治之。如痲收之  
後。有口臭口瘡唇爛。兼之咽喉疼痛者。以生地敗毒散除去  
赤芍桔梗甘草柴胡。加黃連治之。其有口臭不可聞者。此是  
胃爛必死之症。若其人原有口臭者。則不在此例。當詳問施  
治。

清胃散

症治。與六十二條加清胃散同。

生地黄錢四  
升麻五錢  
丹皮五錢  
當歸  
黃連三錢

石膏引

生地敗毒散

生地黄五錢  
丹皮  
黃芩酒炒  
柴胡各七  
牛蒡子炒

連翹  
天花粉  
元參  
金銀花  
桔梗各八  
薄荷葉

黃柏  
赤芍各五  
生甘草三錢  
熟石膏  
淡竹葉各

燈心五十寸引水煎另以犀角磨汁對服

口瘡第八十條

心脾胃經毒未降熱壅上焦口生瘡滿口唇舌俱赤爛獨有牙齦不受傷。

口瘡之症滿口唇舌生瘡或黃或赤或白而爛獨牙齦無恙者是也。其症多見於正收及收後乃心脾胃三經火甚餘熱未盡而毒壅上焦下必大便燥結小便赤澀治宜清利心脾之火煎潤大腸之劑以導赤散規二去甘草加猪苓澤泄以導脾胃之火火蘇仁杏仁以潤大腸之燥若得大便通利小便頻行其毒自退外以綈袍散吹之如乳下嬰兒乳母有熱亦當服藥使熱無熱兒亦清安以釀乳方去甘草與乳母

脈之若麻收之後。口瘡唇烈者。均宜以秘本洗心散。去麻黃。或以河間涼膈散。見二十條去芒硝甘草。俱加石膏牛蒡子下之。如係牙疳之症。則又從牙疳門施治。

綠袍散 治一切口瘡腐爛

荊芥穗 卜荷葉 青黛 各五錢 元明粉 硼砂 各二錢

百藥煎 二錢五分 甘草 一錢五分

為末點舌上。令其自化。或用新汲井水和蜜調點舌上亦可。

釀乳方

木通 澤泄 豬苓 生地黃 赤茯苓 天花粉 連翹

黃芩 茵陳 甘草稍 燈心引水煎



右藥俟乳母食後令抱去宿乳服之服後令乳母仰臥使藥  
味傳貫於乳再令乳母晝夜乳汁少許然後以乳乳兒仍以  
此藥與兒同服

秘本洗心散 專治口舌生瘡

當歸 生地黃 木通 黃連 大黃 卜荷葉 麻黃茸  
各等分燈心引水煎服

舌生白珠第八十一

舌上累累生白珠。心脾鬱熱致火。危急宜清心與降火。依法調治。症自除。

舌者心之苗。而脾脉又絡於舌。心脾二經之熱。無所洩而發於舌。故舌生白珠。累累如粟。甚則上唇牙齦痛口遍生。其症多見於正收及收後。法當以朱氏洗心散。去甘草。加黃連。或加味寧赤散。見四十九條加麥冬治之。如大便不通者。以洗心湯去芍芍甘草。合瀉心湯。加石膏牛蒡子。或以河間涼膈散。見附六去芒硝。甘草。加黃連石膏牛蒡子治之。外以桑白皮搗自然汁塗之。或用塗方塗之。或用綠袍散。見八十九條之如食乳。

孩子以乳方見八去甘草與乳母服之

朱氏洗心散 治心經有熱口舌生瘡白珠等症

生地黄 枯黃芩 麥冬 歸尾 知母 卜荷葉 甘草

鮮藕節 側柏葉引甚者加黃連水煎服

洗心湯 治心熱白珠滿口二便不通

防風 荆芥 黃芩 木通 大黃 連翹 生地黄

歸尾 京芍 甘草 燈心引水煎服

一書無京芍有黃連 有潮熱加柴胡羌活

一書有潮熱加黃連骨皮元參黃柏枝仁

瀉心湯

川黃連 為末臨臥蜜水調服

塗方 治口瘡甚者

黃柏去粗皮剉碎  
以蜜炙黃色

青黛 各等分為末以蜜調塗患處

塗方

薄荷葉 黃柏 硼砂 冰片 黃連

為末以蜜調塗患處

牙疳第八十二

陽明胃火留為殃。毒上冲牙生疳瘡。此症非同口瘡比。頃刻能令性命傷。

麻毒流連走馬疳。牙齦黑爛食難嘗。敗唇崩鼻牙齒落。漏頰穿腮旦夕亡。

牙疳者。專於上下牙齦腐爛其毒最重其症最危。非若口瘡舌珠之比。此乃胃火留而不去。除毒上冲所致。急宜清胃涼血。佐以潤大腸之劑。以秘本加味清胃散。加石膏荊芥火麻仁杏仁治之。大便閉者。以秘本洗心散。見條去麻黃。加牛蒡子石膏微利之。有用當歸散者。其外以栗根白皮煎湯漱洗。為無濟。方仍存之。

以馬鳴散文蛤散。救苦散。無比散。燒鹽散等方。隨用以塗之。  
若麻一出即收。麻毒收入於裏。致生牙疳。大熱譫語不食等  
症。內宜用涼解之劑。以加減清胃湯。去陳皮。桔梗。甘草。加黃  
連。葛根。牛蒡子。主之。外以熟附子切片。將水煮軟。敷患處。兩  
手心。兩足心。以拔之。如麻後牙疳腫痛者。以清胃散見七十一條  
加荊芥元。參。牛蒡子。主之。外以尿桶中白垢。火煨如鹽。加冰  
片研。和蜜調搽之。凡麻後牙齦黑爛。肉腐出血。呼吸氣息臭  
氣。沖人者。名為走馬牙疳。急用尿白火煨。加冰片。以蜜調頻  
塗。或用馬鳴散等方。或以龍礪散。黃龍散。雄黃散。神授丹等  
方吹之。又或以黃連。礪砂各一錢。胆礬三分。冰片五釐。研末。

搽之。再加白鹽梅燒灰存性。人中白火煨同研。搽之更應。內  
急以生犀地黃湯。加石膏治之。俟症平。以四物湯。見二十條用  
生地黃。加木通枝仁。生犀角山茵陳。以利小便。使熱血下行。  
而毒火不致上冲矣。若牙疳白色。為胃爛不治之症。有用栗  
樹根白皮煎水洗患處。而以五倍子雄黃百草霜枯明礬。為  
末吹之者。間有取效。未必全驗也。若通齦白色。自外延入內  
者。無膿血者。牙疳爛而口臭者。喘促痰鳴者。面頰浮腫者。環  
口青黑者。頰漏腮穿者。喉穿齒落者。各崩鼻壞者。皆不治之  
症也。

秘本加味清胃散。

治疳疹口舌生瘡牙齦腐爛。

生地黃 丹皮 當歸 黃連 犀角 連翹 升麻

甘草 水煎服

馬鳴散 治走馬牙疳良方

人中白即鼻中之白粉也。候其色白如粉。方可取用。新瓦盛以火

蚕退帛又名馬齒。二錢。生五梧子錢。明礬二錢。

又五梧子一個。入明礬末於內。裝不盡。再用梧子一

同為細末。先用米泔水洗患處。然後以末搽之。

蚊蛤散

雄黃五錢 枯明礬五錢 蚕退紙一燒灰 生五梧子錢

又五梧子一錢。同明礬炒用。



為末。先將米泔水洗患處。然後以末搽上。一日數次。以愈為度。

救苦散 治口瘡牙疳

人中白火煨 寒水石飛過 青黛五 婁蠶炒 黃柏

冰片各一錢 牛黃五分

為末。先以苦茶洗患處。然後以末搽上。三五次。少愈。十次全愈。

無比散 治牙疳腐爛

黃牛屎煨 冰片炒 為細末吹患處

燒鹽散 治牙疳潰爛

取椽斗大者。實鹽滿壳。合起將鐵絲扎起燒化存性。以硃覆地片時取起加入麝香少許。研細塗之。

椽者許時初半時陳風亮丘之桐。炸標也。一名托。三四月開黃花。八九月內結子。子為卑生。子外有房。可集鳥。又桐

根析蟻  
乾又姓

加減清胃湯 治麻後口瘡

元參 連翹 生地黃 黃柏 麥冬 木通 白茯苓

天花粉 陳皮 桔梗 甘草 燈芯引

龍礪散 治麻後口瘡

牡黃牛屎尖煨 明礬瓦 水片一分五厘 朴硝錢 礪砂錢二

為末以鴛管盛末吹患處

黃龍散

壯黃牛屎尖煨

冰片分 為末以蠟管吹患處

雄黃散

雄黃錢 黃柏錢 麝香分

為末先以艾葉煎湯洗患處然後以末搽之以愈為度

神授丹

枯明礬分 麝香分 白毡灰分

為末以竹管盛吹患處

生犀地黃湯

連翹 葛根 元參 黃連 生地黃 荊芥穗 升麻

生犀角磨 甘草

水煎入犀角汁二三十匙對服

狐惑第八十三

上唇生瘡。由食腠。下唇生瘡。由食肛。此名狐惑。非佳候。化蠶丸兒是妙方。

麻症唇口多瘡。其聲啞啞者。名曰狐惑。其義云何。乃出自傷寒指掌之言。謂上唇多瘡者。虫食其腠。名曰狐。下唇多瘡者。虫食其肛。名曰惑。蓋取其進退猶豫之義也。大非美候。宜以秘本化蠶丸。或古方化蠶丸。酌量而治之。如更煩燥昏悶失聲者。死症也。

秘本化蠶丸

均子吻

蘆薈煨

龍胆草各二

五靈脂一分

黃連錢二

川練子一分 烏梅

為末以烏梅去核燒爛合丸白水下

古方化膿丸

黃連五錢

蜀椒

開明者

炒用二錢

苦練樹根白皮

二錢

為末用烏梅肉七枚以艾湯浸搗爛合丸艾湯下

咬牙第八十四

咬牙之症非疽比。痘有寒熱二症分。喜食熱物四肢冷。下血咽痛見閻君。

咬牙雖非疽症比。亦有寒熱二症分。未曾服藥從熱治。通用寒涼又宜溫。

症之咬牙。非若疽比。痘症咬牙。有寒熱二症之分。而癰症咬牙。皆屬熱候。乃陽陷於陰。故多發渴而手足俱熱。喜飲食冷物。治宜滋陰降火。以麥冬湯。去白芍加丹皮治之。若手足俱不熱而反厥冷。喜食熱物。此為熱邪內充。後必下血咽痛。痰鳴而死。即以白虎湯。規二十條治之。然多不可救。若飲食犯板。

薑辛熱助熱等物。更非所宜。然瘧後咬牙。亦有虛實。不可執  
泥無虛實之說。但不與瘧症比耳。瘧後咬牙。其先未曾服藥  
而咬牙者。乃實症也。解毒乃止。而三味消毒飲。見三十之類。  
可以隨見加減而用。若已經服藥而咬牙者。恐服寒涼之藥  
過多。有傷氣血而然。宜以四物湯。見二十條。加入參治之。

麥冬湯

治瘧症便實而渴

生地黃 當歸身 麥冬 白芍藥 水煎服



舌胎第八十五

舌胎雖當分顏色。黃為胃火。白肺熱。惟有黑胎。其相連。麻症逢之心經絕。

舌者心之苗。心為君火。脾本火候。故舌有胎。胎有黃白黑三種。白胎為肺熱。黃胎為脾胃熱。均當清解疏利。更兼外症參詳而治。如宜毒發表湯。見第五條去升麻。桔梗。甘草。葛根。鮮肌湯。見第五條去赤芍。甘草。葛根。疎邪湯。見第三十條防風敗毒散。見第五條去桔梗。甘草。葛根。湯。見第六條去柴胡。赤芍。甘草。俱可隨症加減而施。既黑者。則為心經絕。黑而濕者。熱淫血分。黑而燥者。熱淫氣分。皆為危候。此症無分首尾。均宜清熱疎利。一例而治。並宜

用白虎解毒湯。是二十條濕者多用生地黄。加元參。燥者倍用黃連。黃芩。麥冬。淡竹葉。加地骨皮。木通。黑色漸退者吉。不黑者不治。

唇燥第八十六

唇燥火熱在胃脾。紅赤熱重淡白微。若帶紫黑而燥者。苦寒之味正相宜。

唇燥乃脾胃二經之熱。其症有三。一則唇淡白而燥枯者。其熱尚微。以白虎湯。規仁二十去甘草粳米。加麥冬木通牛蒡子治之。一則唇赤而枯燥者。其熱極深。以白虎解毒湯。規仁二十加元參牛蒡子連翹木通治之。一則唇帶紫黑而枯燥者。其熱劇而重也。以白虎解毒湯。規仁二十加犀角汁。元參牛蒡子木通車前子治之。惟宜隨症輕重。以清熱分利方稱良工。

唇舌破裂第八十七

少陰太陰火上冲唇舌必然見赤紅。正收收後唇舌裂。心脾已絕。難治。

唇舌破裂此心脾之火甚上冲也。其色必深赤。間有紫黑者。若初發熱及正出之間。唇舌紅而破裂者。此症還輕。斯時其毒在末出將出之際。若得久輕血活。內能托出口能食物。斯為可治。藥宜用寒涼。加以疎托之劑。以白虎解毒湯。見二十六條加元參牛蒡子荆芥葛根薄荷葉治之。若正收與收後而唇舌破裂者。以白虎解毒湯。見二十六條加黃柏元參山豆根木通治之。若唇舌破裂而紫黑枯燥。此心脾二經俱絕。兼之血不

活者則難治矣。

咽喉痛第八十八

火邪拂鬱咽喉痛。射干鼠粘湯可用。吹喉惟有十宣散。莫犯金針病增重。

毒火薰蒸氣上炎。咽喉有此正煩疼。從來麻症多咽痛。莫作尋常喉痺看。

麻症屬火。咽喉疼痛。亦是常候。乃毒火拂鬱上薰。故咽痛也。切勿誤認作喉痺。而妄用金針去其血。初潮咽痛者。以宣毒發表湯。見第五條去升麻甘草桔梗。加射干山豆根主之。外以十宣散吹之。有以甘桔湯加牛蒡連翹升麻治之者。萬不可用。方竟更已出而咽痛者。以靜遠主人射干鼠粘子湯。去升麻桔梗甘草。或錢氏甘露飲去

熟地黄。酌用石斛。茵陳。加牛蒡子。射干。防風。主之。麻痺有咽  
喉痛者。不拘初熱正出已收。俱以射干。牛蒡子。山豆根。防風。  
煎湯。與服。外用十宣散吹之。或用二聖散吹之。如麻痺有結  
核等候。以射干消毒飲。見五十條去甘草。加防風。主之。如麻毒  
上攻咽喉。腫痛熱渴。或腫毒不消等症。以加味骨皮清膈散。  
見五十條去當歸。加石桔梗。甘草。紫苑。加石膏。元參。麥冬。薄荷。防  
風。牛蒡子。主之。有以大如聖散于治之者。非惟不誤。而實於病無濟。才姑為收錄。如麻症  
血熱咽喉不利者。以加味消毒飲。去甘草。加射干。生地黄。或  
以紫草消毒飲。去甘草。加生地黄。防風。射干。治之。如咽不利。  
而兼風熱咳嗽者。以射干消毒飲。見五十條去甘草。加防風。連

翹桑白皮貝母治之。如咽痛而麻不大起發者。以消毒飲。二  
條十三 去甘草。加葛根。前胡。射干。主之。如肺熱咽痛聲嘶不清  
者。以全書除熱清肺湯。見五十條。去石膏。加射干。牛蒡子。黃連  
主之。有以甘桔清金散治之。大凡麻症咽痛不堪者。照症用  
藥。而外不拘前後。外用十宣散。二聖散。玉鎖匙。化毒丹。等方。  
任憑選用吹之。

靜遠主人射干鼠粘子湯

射干 山豆根 各一錢 牛蒡子 紫草 紫地黃 各一錢

蟬蛻 升麻 各六分 木通 石膏 桔梗 各八分 甘草 五分

燈芯九根引水煎食後服



錢氏甘露飲 治心胃熱咽痛口舌生瘡瘰癧熱毒上攻牙齦腫牙齦動搖

天冬 麥冬 生地黃 只壳炒 黃芩 釵石斛

熟地黃 茵陳 枇杷葉 甘草

水煎食後服 牙齒動搖者并以此漱口

加味消毒飲

牛蒡子五分 荆芥 羌活 防風 六分 紫草 一錢 甘草 五分

粳米一撮引水煎不拘時服

紫草消毒飲

紫草 連翹 牛蒡子 各一錢 荆芥 七分 山豆根 甘草 各五

水煎不時溫服

十宣散

黃連 黃芩 黃柏各一 兒茶 雄黃 苦參各五

硼砂五 乳香分 元明粉分 冰片少許入藥內

為末每用五釐以竹管吹入喉中

二聖散

苦參 藜蘆末吹喉二三次即痛止腫消

玉鎖匙

欲硝五分 硼砂錢五 姜蚕五錢 冰片一

為末每用五分吹喉

化毒湯

薄荷葉 荊芥穗 雄黃 辰砂各二  
礪砂 甘草各二錢 桔梗五 山豆根五錢  
為細末。以竹管吹入咽中。或以水調服。

大如聖飲子

牛蒡子 桔梗 甘草各 麥冬五 水煎服

甘桔清金散

牛蒡子 連翹 甘草各五 桔梗一 訶子皮三  
為末。薄荷少許。煎湯下一錢。或加薄荷。不煎服亦可。如非  
音不清者。則去訶子皮。

附治平常咽喉方備用

射干鼠粘子湯 治咽痛

牛蒡<sub>四</sub> 射干 升麻 甘草<sub>兩各一</sub> 水煎服

甘草防風湯

甘草<sub>一</sub> 防風<sub>二</sub> 桔梗<sub>三</sub> 水煎服

加味甘桔湯 治咽喉暫用

桔梗<sub>八</sub> 甘草<sub>二錢</sub> 牛蒡子 射干<sub>各六</sub> 防風

元參<sub>各四</sub> 生薑一片引 熱甚者去防風加黃芩

五物湯 治咽痛

麻黃 杏仁 荆芥 桔梗 甘草 姜引水煎服

射干散

治咽喉腫

射干

元參

牛蒡子

升麻

桔梗

甘草

水煎服

海上方

治骨硬

金鳳花根 打碎。以米醋煎。用有嘴瓶盛之。令患者將口吮瓶嘴。仰面嚥之。其骨即出。吞藥之時。勿令沾牙。或用玉簪花根。或靈仙根。如前法治之亦可。

頭疼背強頭項腫遍身痛第八十九

寒熱頭疼背強遍身痛楚苦難當。更有頭項俱腫者。都緣毒火未清降。

麻症本類傷寒。倘或不避風寒。未經清解。邪火內迫。毒攻於裏。症生多端。或有傷寒並作。頭疼背強。或頭面頸項浮腫。或脉強火盛。大熱作渴。或麻收之後。發熱而遍身疼痛。種種症候。在所不免。急宜清火解毒。如寒熱並作。頭疼背強者。當用表散。以宣毒發表湯。現係去升麻桔梗甘草。畧加白芷治之。有如羌活者。頭面頸項腫者。以宣毒發表湯。現係去升麻白大非所宜。桔梗甘草加葶藶主之。脉強火熾。熱盛作渴者。則以白虎解

毒湯

見二十條

主如麻出稠密遍身疼痛煩燥者以涼血飲

子

見四十條

去赤芍加連翹牛蒡子主之如麻收後遍身疼痛

者以古方黃連解毒湯

見三十條

加葛根前胡白芷防風治之

有加升麻羌活者亦非所宜

腹痛第九十

腹痛原因毒內攻。首尾治法不相同。清解通利消飲食。更分虛實。莫眩瞞。

腹痛之症不一。總由火毒內鬱而不能出。或為風寒壅滯。遏抑。或因飲食停滯不化。而皆能致痛。若見於初熱正出之間。風寒壅遏。毒反內攻。而腹痛者。急與疎表。麻出透而痛自止。以宣毒發表湯。見第五條去升麻。桔梗。甘草。淡竹葉。或葛根。群肌湯。見第五條去赤芍。甘草。加只壳。或葛根。疎邪湯。見第三十條治之。若飲食過傷。腹滿脹痛者。以只實導滯化毒湯。去山查。厚朴。檳榔。甘草治之。有用平胃散加神效。山查。麥芽。只壳。木通治之。考治腹痛。源流。或為而治。麻腹脹痛。亦非所宜。方仍



附大便閉者。加丑牛。或大黃以利之。小便赤澀不通者。加猪  
苓澤瀉以導之。若於正飲及飲未盡之時而腹痛者。乃外邪  
未盡而復入裏所致。宜兼清中外。法當疎托。佐以清解。使毒  
復出而痛自止。以清熱透肌湯。見二十條加只壳木通黃芩治  
之。如麻全飲之後而腹痛者。治宜清涼解毒。佐以風藥。散分  
利餘熱。使毒內消而痛自愈。以化毒清表湯。見十條去知母花  
粉桔梗甘草。加只壳治之。又須驗其有無他症。分別屬虛屬  
實而治。若邪熱內結而腹痛者。以通利大便為主。以河間涼  
膈散。見二十條去甘草治之。如麻後脾氣不調而致腹痛。而  
四肢浮腫者。以分利小便為主。以導赤散。見二十條治之。

而小便不通者以導赤散見六十一加芍藥湯之若麻症毒重  
腹痛煩燥潮熱者以連翹敗毒散去赤芍甘草治之倘腹痛  
不止加黃連麥冬治之若麻症首尾肚痛者此皆由毒火內  
蘊而然宜先發散以防風敗毒散見六十一去桔梗甘草治之後  
以山查肉煎湯與服至若元氣大虛陰陽不能升降小便不  
利通身浮腫喘促兼見者則難治矣

只實導滯化毒湯

尺蠖 青皮 桑芽 木通 牛蒡子 連翹 芍藥  
山查肉 檳榔 厚朴 甘草 燈心引水煎服

連翹敗毒散

連翹 防風 牛蒡子 荆芥 木通 赤芍 甘草

水煎服

平胃散 治胃中宿食不化。藜蘆之人宜之。

蒼木 木洲水浸去皮屑油 枙炒黃色 四錢 厚朴 去皮 枙炒 陳皮 白

炙甘草 名二 錢 姜引水煎服

腰痛第九十一

麻疹腰痛症候惡。嬰兒罕有婦老多。男為腎敗女血耗。治法不同切莫錯。

麻疹之症。原係胎毒有感而發。而朕腑所蓄之毒。因之而洩。故諸經皆有見症。惟腎為清淨之府。不宜見症。腰者屬腎。膀胱之絡繫焉。故凡麻症。多忌腰痛。如見腰痛。則為逆候。然腰痛之症。幼孩罕有。惟男婦多有腰痛者。何則。蓋男人有五勞六慾之傷。腎多虛弱。麻乃火候。丙丁熱煎。壬癸必涸。麻收之後。陰血必虧。津精重耗。故多見斯症。乃為腎敗之候。最為難治。宜以四物湯。見二十條合六味地黃湯。見十條加枸杞杜仲。

故帝之類主之。如尚有餘毒未盡者。更加牛蒡子連翹治之。如兼有潮熱者。加酒炒黃連黃芩鹽酒炒黃柏地骨皮等藥。治之。如初熱正出已出之時。腰痛者。則於宣發清解藥中。多加生地黃當歸以滋養之。若婦人出麻之際。或值經來之期。或因熱重迫血妄行。天癸非期而來。血既下行。已經暴耗。兼之毒火熬煎。耗中加耗。人身之血。能有幾許。當此重耗。未有不生腰痛之疾者。凡有此候。急宜以四物湯。見卷十多加元胡索主之。倘仍有餘毒未清者。或兼有潮者。則仍加炒黃連炒牛蒡連翹之類。以解其餘毒。清其餘熱。如見於初潮已出之間者。則亦於宣發清解藥中。多加生地黃元胡索當歸治

之。應宜急為調治。免致奪血而亡之患。

氣痛第九十二

氣疼皆因風邪干。內有餘熱與風搏。此症逆之休身怕。法當寒熱分兩服。

麻症氣痛。皆因內熱未洩。外為風寒所襲。風熱相搏。內外夾攻。致有此候。然有寒熱之分。寒者易治。熱者難為。治之者先

宜探其寒熱而施治。方無差謬。凡遇此候。先以冷飯炒熱以  
絹包裹。乘熱而揣其胸。喜楷而痛稍減者。此寒多熱少。以香  
菜湯與之頻服。得吐則寒邪外洩而痛即止。不吐亦即痊愈。  
若楷之而更加痛者。此內熱已極。外感最深。熱毒熾。寒搏結  
胸中。吐之難。下之不利。溫之增劇。涼之弗息。延經一二日。  
肺胃腐敗而死。雖用清熱保肺清胃之劑。亦僅十全一二而  
已。

香薷湯 治寒痛絞腸痧等症

香附米 吳茱萸 五靈脂

俱用  
醋炒

台烏藥 各三

水煎濃汁頓服中病即止

頭溫足冷下體冷過膝。四肢身體冷如冰。第九十三

麻症屬陽身宜溫。身不溫煖有災逆。首尾不溫非美候。變症一見謁閭君。

頭溫脚冷症候逆。初出見之且莫急。正出正收脚仍冷。縱有神方也無益。

遍身發熱麻之常。若不發熱苦難當。收後下體冷過膝。此為腎敗治無方。

四肢身體冷如雪。初熱見之毒難出。正收收後達新症。脾胃敗壞死可決。

痘症頭溫足冷為順。如麻見頭溫足冷之症。則為逆候。然而



麻症有下身冷者。亦有順逆。但有先後之分耳。何則。麻之為症。上隔主之。必從頭上熱至脚。其初熱時。上身壯熱。下身及脚涼冷。必須壯熱至足。麻方得出。故初發熱之時。下身及脚涼冷。此為順候。若出後及正收之時。則上身下體俱以不冷為佳。此時下身冷者。則為逆候。至於麻收之後。則宜遍體溫涼如常。倘有麻收之後。雖遍身溫涼如常。獨下體厥冷過膝上止者。此為腎敗不治之症。若初出之時。腰以下不熱。毒不能透。而反漸收者。亦為逆候。急當溫養脾腎。或有得生者。溫脾如白芍藥。炙甘草之類。果仁白朮等味。在所宜禁。養腎如熟地黃。當歸之屬。杜仲。枸杞等味。又在所必忌。只可用

湯。二條。三十。去麥冬玄參薄荷刺芥川芎。之。炙甘草以補其脾。  
養其腎耳。夫麻乃肺胃火熱所發。本屬於陽。故四肢身體常  
宜溫暖。若四肢身體反冷如冰者。則是大便壅塞。若初出正  
出之時。四肢身體冷如冰者。則毒不得透。而麻必漸收。若正  
收及收後。肢體冷如冰者。此乃脾胃倒壞。氣血大虛。毒必不  
盡。定不治矣。

瘡疾第九十四

麻疹寒熱似瘡症。柴苓湯見加減。連收後患瘡。用蠶甲。神而明之。醫中聖。

麻症初熱已出之時。有寒熱似瘡者。此時切不可專以瘡疾施治。宜以葛根。陳邪湯。見三十條加薄荷。葉主之。至出盡之時。如有寒熱似瘡者。以柴苓湯。去人參。半夏。加桂。白朮。加貝母。骨皮治之。如麻後竟成瘡疾者。治法以清涼。健脾開胃為主。宜以靜遠主人蠶甲飲主之。渴者加熟石膏少許。不渴者方中之麥冬。知母。須除去之。夫瘡多因脾虛生痰而作。若出麻之後。果是瘡疾。并無餘毒。則柴苓湯中之人參。半夏。又何妨。

施用。但肉桂白朮不可輕使耳。又何必拘泥麻初當法。麻後  
餘邪等症之不宜用燥悍之藥耶。如小柴胡湯。見二十條正所  
宜用。所謂神而明之。存乎其人者。此也。

柴苓湯

柴胡 半夏 人參 黃芩 甘草 枳實 芍藥 白朮

白朮 肉桂 姜棗引

解遠主人紫甲飲

九肋紫甲飲

新瓦上焙以醋淬數次至黃色  
研為末再用醋拌炙干二錢 山查兩錢

麥冬

薏苡仁

炒各

白茯苓錢二

橘紅

子

知母二錢

干葛

白朮

各一錢

柴胡一錢

貝母錢三

淡竹葉一錢

諸科

藥

方

卷一百一十五

雜考

七

良薑草分 薑煎水煎服

沉睡昏睡似寐非寐煩燥不眠第九十五

沉睡昏睡似寐同。如有分別在其中。更有煩燥不眠者。臨症无訛是良工。

沉睡者謂沉沉熟睡。精神意志清白者是也。夫麻原屬火候。火症得安靜沉睡。本為上言。然當分首尾而治。正熱出現之時。其人精神困倦。沉睡少醒者。則為逆候。何則。蓋緣正氣虧損邪火內鬱。而未能發揚於外。乃正氣不勝所致。後必變大熱煩燥者有之。宜以養陰湯。現三十去熟地黃川芎白芍。加生地黃主之。若正收及收後能食而安靜沉睡者。蓋脈氣血俱虛火毒退去而得安寧。此為順候。治法當以補脾養血為

要以四物湯見條十加蒼朮仁。白朮主之。又有一等。名曰昏  
睡昏睡者。謂昏昏而睡。不知起止。雖睡多久。醒來不知人事。  
掐其夾車合谷二穴。而不知痛者是也。又有一等似寐非寐  
者。此兩症無間。正出收後。見之良非吉兆。多難治。療當察其  
兼見何症而施治之。夫沉睡昏睡兩症。雖相彷彿。而實不同。  
昏沉二字。醫家最當詳辨。庶幾臨症無訛。又有疥疹。執熱作  
麻不出。煩燥不服者。法當解毒清涼。以白虎解毒湯。見二十  
六條  
加連翹牛蒡子。以清解之。熱除麻出而煩燥自寧。可以安寢  
矣。若收後煩擾而反不得寐者。是餘火復燃。急須滋陰養血  
以六味地黃湯。見條十合四物湯。見條十加生朮仁二三錢。

與服。而陽自飲而得寐矣。

中惡第九十六

疥疹收完。幸平復。動止如常。飲食足。心腹絞痛。忽然亡。此是氣虛中惡毒。

疥疹收完之後。動止飲食如常。忽然心腹絞痛而死者。此是元氣虛弱。兼之乘以疫癘之氣。正不能勝邪。邪伏於中。外若無病。內已虧損。一中即死。謂之中惡。



發搐第六十七

痰熱聚於心胞絡。喉中吟吟發驚搐。未透之時。反為吉。慎勿妄投金石藥。

麻毒流連為壯熱。煩燥不寧時搐動。春風驚風。清心肝。神爽身涼生可決。

發熱無休神漸昏。忽然癇癎似堪驚。莫將風癎同調治。小便須多患安寧。

麻之發搐。不同常論。乃痰熱聚於心胞絡中。所致。若見於發熱初出未透之時。俱為無害。而反吉。治法宜以疏散之劑。少加清涼之藥。治之以清熱透月。湯見二十去生甘草杏仁加。

栝蒌霜淡竹葉。治之若收後而發搐者。則爲難治。法當消痰清上焦之火。兼利小便。只宜用輕清之劑調之。不可誤用鎮驚金石之藥。以加味導赤散。見四十九條去薄荷。石膏。加貝母。栝蒌霜主之。如痰壅甚者。以栝蒌仁一味煎湯與服。以湧吐之。如麻後渾身壯熱不除。未至羸瘦。但多搐掣煩燥不寧者。此乃熱在心肝二經。然不可與急驚同治。以當歸養血湯去川芎。甘草加煨炒黃連。地骨皮。與黃連安神丸相間而服。或以安神丸去冰片。甘草用導赤散。見二十九條去甘草。加人參。麥冬。煎汁送下治之。小便清長者可治。小便短少者不可治。宜以抱龍丸與服。若搐而喉中無痰鳴。或自吃指者。是非麻之發。

摘。乃正虛不能主持之候也。必死不治。

當歸養血湯

當歸 川芎 生地黃 麥冬 木通 枝仁 升草

淡竹葉 燈心引

黃連安神丸

黃連 當歸 龍胆草 硃砂各二錢 金蟬本為熟來拌

石菖蒲姜湯泡去毛姜汁蒸 白茯神各一錢

為末滾水和作餅蒸熟以積錯心血同拍為丸以硃砂為衣  
黍米大燈心湯下十丸

安神丸

黃連 當歸身 麥冬 白茯苓 甘草 珠砂

冰片 二分 為末滾水和丸蒸熟以續情心血同棉合丸黍米大燈心湯下十丸

抱龍丸 治痘疹驚

琥珀 天竺黃 白檀香 人參 白茯苓

甘草 只壳炒 只實 辰砂 金箔

山藥 牛胆南星

為末每藥一兩取新汲井水一兩同入乳鉢內搗勻為丸如  
阜子大勿見日陰乾晒則燥烈每用一丸薄荷葉煎湯化下

謔語第九十八

手厥陰經心胞絡熱邪壅滯謔妄作。正收收後兼涼血發熱正  
出用疏托。

謔語妄言其症皆由熱邪熾盛火毒壅滯於心胞絡而作。若

初發熱而煩燥狂言或癰癤而不出者以宣毒發表湯。見第

去升麻桔梗甘草煎汁調辰砂滑石末治之。有月第二條內

柴胡川芎羌活人參甘草加木通若發熱未出正出之際而

謔語者俱為火邪內伏不得透表而致藥宜疏托佐以清涼

分治之品以葛根解肌湯。見第赤芍甘草加麥冬赤茯苓

石膏知母只壳治之甚則加蜜酒炒麻黃以發越之使麻得

以盡出肌膚而謔語自止。若淋已出之後，狂言亂語者，以淡竹葉燈心煎湯調辰砂滑石末治之。正敘及敘後謔語者，藥宜清涼解毒，佐以分利涼血之劑。以白虎解毒湯。見二十去天花粉、加牛蒡子、連翹、木通、赤苓，以清解涼血而分利之。有竹葉石膏湯，去人參、半夏、甘梢、粳米，加生地、黃芩治之者，實為無濟，使火退毒消而謔語自止矣。慎勿遲延，以致不救。如熱輕餘毒未除者，必先見諸氣色，宜預防之。始終以消毒飲。見二十條除甘草加連翹，只壳、木通、赤苓，以分利之。有用荊蒿湯加減黃連解毒若淋收後餘熱內攻，循衣摸床，謔語妄言，神昏志喪者，死症也。

虛癰第九十九

痲毒流連熱不除。渾身似火。毛髮枯。疔癰漸成。疔癰得遇良工。病可甦。

痲疹收後。身有微熱者。此虛熱也。不須施治。待氣血和暢。自然退去。若痲疹既收。其毒不解。邪火拂鬱。渾身發熱。晝夜不退。精神倦怠。飲食減少。或咳嗽不止。或便泄不已。或身熱不除。形體羸瘦。毛髮枯。豎皆真元虛損所致。若不及時調理。恐成疔癰之患。倘不早治。以致睡則揚睛。口鼻氣冷。手足厥逆。微七癰瘕。變為慢風。不救者多矣。並宜以錢和湯。去川芎。以和之。有嗽加橘紅。貝母。咳加麥冬。百合。有瀉加土炒白朮。與

炒扁豆如食難化加砂仁麥芽如氣血俱虛以雙和湯分  
四君子湯見七十條隨症調治之切禁用寒涼傷犯脾胃之藥  
專力資培緩圖平復可也愚按虛羸之候雖係真元虛損故  
不宜用寒涼傷犯脾胃之藥亦不宜湊用大補之劑但當清  
其餘熱滋其陰血和其脾胃平其肝氣殺其疳虫使營衛和  
暢脾胃健運自然日漸平復神全體肥若以雙和散而治虛  
羸竟用茱萸桂是猶抱薪救火非惟無益而又害之矣曷若以  
柴胡四物湯見三條去川芎加薏苡仁與清熱除疳丸去川芎  
加薏苡仁相間而服實為妥當若痼後元氣不復而羸瘦身  
無潮熱者乃脾胃虛弱所致調理脾胃平其肝木必漸康強



以白芍湯主之。或以八珍湯去白朮人參。加欠實米薏苡仁  
治之。慎勿輕用人參白朮。恐開其餘邪。致難攻理。如麻收之  
後。失於調理。以致體瘦氣弱。且又泄瀉。將成疳積者。宜以奇  
效神應肥兒丸。或健脾胃兒丸治之。如麻後眼青體弱精神  
不如平日。又有咳嗽氣急者。以蘇子四君湯。加薑汁炒芥子  
尖杏仁治之。氣急甚者。加蘇苗子括萎仁治之。若熱太甚。或  
日久不減。而漸羸瘦者。總宜清熱平肝。以柴胡麥門冬散。三  
條加酒炒黃連黃芩骨皮治之。甚則以古方黃連解毒湯。三  
十五合人參白虎湯。見六十條與柴胡麥門冬散。三  
十五服以治之。見三十條相間而

青熱除疳丸

黃連 當歸各二錢 龍胆草 川芎各一錢 青皮 陳皮

蘆薈煨

乾蟬頭煨 又名蛤蟆即蝦

均子肉麩粉包煨去壳

為末神麩糊合丸米飲下

白芍湯

白芍藥 炙甘草此二味

蓮肉 山藥 扁豆 龍眼肉

青黛 麥冬此六味

合三四劑水煎服

八珍湯

當歸 川芎 熟地黃 白芍藥 人參 白朮 白茯苓

甘草 姜棗引

奇效神應肥兒丸

治肌瘦面黃。或面青面白。泄瀉少食。肚腹

脹大。青筋滿腹。或傷飲食。常有吐瀉。尿如米泔。及一切疳症。

原枝人參

三錢如力微者用一錢或取乳汁蒸北直參一兩代之

大川黃連酒炒二錢

臭蕪荑炒極去皮取淨者五錢

均子肉麩粉包煨去壳并去內黑皮四十五粒

夜明砂水淘去土砂淨取淨砂醋炒乾一兩

漂白朮陳壁土炒五錢不宜白朮者以黃茨仁炒代之

吳神曲炒五錢

穀麥芽炒五錢

天漿子 每五穀虫肉湯浸洗淨炒一兩

淮山藥 炒三錢

化青皮 醋炒三錢

胡黃連 酒炒三錢

山查肉 去子的湯洗三錢

乾蛤蚧 火炙醋淬極切三隻○切音竭乾也

花檳榔 三錢

飯等分。如製為細末。每早空心。以米飲調下二三錢。

健脾肥兒丸

人參

陳皮

甘草 各五錢 黃芪 蜜炙 扁豆 炒

山藥 炒

白朮

泔水漂土炒洗

白朮

一炒各

神曲

炒

查肉

去子各

百合

當歸

去尾各

黃連

酒炒

白芍

酒炒

地骨皮

去骨酒洗各

六錢

各

陳皮

去白錢

為末

蜜丸

彈子大

老米

煮化

下一

九

雙和湯

熟地黃

白芍

酒炒各

黃芪

酒炒和

當歸

各七

川芎

炙甘草

各四分

上肉桂

三分

有熱者

去之

生薑一片紅棗一枚青核為引水煎服

妊娠出痧第一百

妊娠痧症若相當。潮熱蒸蒸胎易傷。子去母應無害事。症輕子活兩無殃。大熱蒸上血海乾。毒火內攻胎難安。急宜清熱養營血。治不依法生禍端。

古云胎遇熱則墜。痧乃火候。內必有熱。最易墜胎。孕婦出痧。此症極險。當於初熱未出之時。須察其熱之輕重。正出之際。須驗其痧色之紅淡。法宜疏解。佐以清涼。滋血安胎之藥。不可犯動胎氣。初熱時。宜用參蘂飲。去人參。半夏。木香。陳皮。加條實。子芩。大腹皮。以發之。或以四物湯。加子芩。荊芥。

後葉斯艾主之。蓋以因物湯現係二十加由米醋半于苓斯艾  
金亮砂仁各二錢主之。或以安胎散單胎散主之。始終以安  
胎清熱為主。則胎不動而難易出。此理誠當。愚按孕婦出痲  
初熱之時。而用因物湯。加白朮艾葉砂仁。與夫安胎散單胎  
散方中之人參。由木川芎砂仁。香附白芍等味。恐燥悍之藥。  
觸動毒火。而熱轉甚。酸收之味。欲固毒火。毒只內攻。痲難得  
出。症必增危。非但墮胎。且難保妊根無虞。即如參蘂飲。雖曰  
除去人參半夏木香陳皮。而藥而桔梗甘草。亦不宜遽用。其  
若以宣毒發表湯。見第五條去升麻。言更甘草只亮木通。加當歸  
條實子。苓生地黃元參酒炒黃連主之。使痲毒透出。內熱自

退而胎自安矣。麻出之後。則宜以四物湯。見二十條加條子。芩黃連牛蒡子之類。主之。至於麻收之後。故宜以四物。見二十條為主。如安胎散。單胎散四物。加白朮砂仁。蘄艾及安胎飲等方。俱可加減選用。倘無漕渴。而大便秘滯結滯者。則人參白朮又當慎用。大抵凡一切實脾行氣溫燥之藥。既碍麻症。復傷子氣。咸宜禁用。為是。

### 參續飲

人參 三分 續藥 桔梗 葛根 前胡 各四分 木香 一分五厘  
陳皮 茯苓 各五分 只壳 三分 半夏 甘草 各二分  
生薑 引水煎服



安胎散

人參 白朮 茯苓 甘草 川芎 當歸身 白芍藥

大腹葶 陳皮 連壳砂仁 橘葉 香附米 條實子 苓

早米引水煎服 初發熱加升麻葛根連翹

麻木多加酒炒黃連牛蒡子山查肉

口渴加麥冬知母天花粉

若係痘症痘不起發加牛蒡子倍用白芍

罩胎散

白朮 當歸 白芷 白芍 白苓 柴胡 川芎 阿膠

陳皮 砂仁 甘草 粳米引水煎服

一書加乾柿蒂七個淨麻根七寸甜瓜蒂一個將藥入銀器  
內放水二鍾以薄荷葉蓋定煎至七分去渣仍將薄荷葉蓋  
之溫服按等麻根藥性出清初期用重毒發後陽內宜加入

分胎飲 孕婦出麻宜用

條實子芥 加泥水 白朮 當歸身 白芍藥 人參各一

川芎 陳皮 蘇葉 大腹皮各八分 連壳砂仁各一

甘草各五分 乾米一撮

婦人出麻。適值經行。及經水非正期而來。第一百零一。  
女人麻症。最難醫。陰實。從來血多虧。待得疹子將發日。又恐天  
癸正行期。  
發熱。經行非正時。大都由血熱急。須涼血。停高熱。待中  
虛悔却遲。

正理論云。嬰兒女子。益以漸甚。以女子陰質血常不足也。麻  
症血一不足。多生變症。故女子十四已後。有出麻者。常恐天  
癸正行。血走氣虛而成伏陷也。宜以養陰陽。見三十去白芍  
川芎。熱地黃。加生地黃。主之。若女子出麻於發熱之時。經水  
忽來。却非經水正臨之期。此乃毒火為蘊。擾亂血海。致血妄

行故經水不依時下也宜以涼血飲子見四十去赤芍木通  
或涼血地黃湯見四十去甘草或元氣地黃湯見五十升  
麻白芍甘草俱加荆芥連翹牛蒡子主之或以古方黃連解  
毒湯見三十加生地黃當歸炒荆芥連翹牛蒡子治之總以  
涼血為主必得經上為妙如服藥不止久則中虛氣弱麻必  
隱伏

產後出麻出痧胎墜第一百零二

產後如逢出麻出痧此時胎去免憂惶。應補氣功最效莫犯寒涼生氣傷。

嬰兒尚在母腹中未行麻疹正與產後同。

水煎蘇葉船固墜治法莫

婦人血常不足產後則血更。如產後又值出麻須當養血而累兼解毒之品。以西物湯。理。少加荊芥牛蒡子主之。不可妄用寒涼恐傷生發之氣有用十全大補湯主之者。但方內白芍肉桂須宜酌用。若欲用之當俱以酒炒用以逐瘀生新。白朮須以芡實米易之。若係孕婦出麻熱甚胎墜不拘。

已現麻未現蘇則竟以四物湯現二十加生蒲黃炒蒲黃牛  
蒡子黃連黃芩連翹炒荊芥主之以去其舊汚生其新血解  
其毒而清其熱自獲奇效又不可拘產後之例宜用補氣血  
也。

十全大補湯

人參 白朮 白朮 甘草 川芎 當歸 熟地黃  
白芍 黃芪各一 肉桂 三分 姜三片 紅棗一枚 引水煎

產婦麻後無乳第一百零三

產婦麻後乳汁乾心火燉煉竭津泉惟有養血為急務莫施峻  
劑塞乳源

乳汁乃津液化成婦人產後去血過多兼之麻火燉煉血更  
枯而津又涸故乳汁乾竭宜養血以滋生乳之源切不可妄  
用峻補之藥塞其湧泉之源也宜以四物湯見前加花木  
通生之

麻後遍身腫第一百零四

遍身浮腫因何作只因麻後氣血弱嬰兒閨秀從無此老翁婦人此候多

麻後遍身浮腫。童孩罕有此候。惟老人婦人多有之。蓋老人氣血本虧。兼之麻火耗血。以致出麻之後。遍身浮腫。宜以四物湯。見二十條合四君子湯。見七十條去白朮。加蒼朮。仁。甘草。薏苡。治之。若女人麻後遍身浮腫。必係初熱正出已出之間。適遇經行。陰血重耗。故麻後遍身浮腫。如無餘熱。使閉等候。則當以養榮湯。或四物湯。見二十條或四君子湯。見七十條俱多加甘

草。薏苡。以治之。



養榮湯 治脾肺氣虛營血不足驚悸健忘寢汗發熱食少  
味身倦肌瘦

人參 白朮 土炒黃芪 蜜炒炙甘草 陳皮 去白桂心

當歸 各一錢 熟地黃 五味子 醋炒此 白茯苓 各六分

遠志肉 五分 白芍藥 姜棗引水煎服

餘邪為殃第一百零五

麻後餘邪最作殃。幾經惡候甚即當。時行厲氣相傳染疫鬼勾魂赴北邙。

麻疹出盡得安寧。邪未盡時症未平。拂上煩熱邪尚熾。頻吐嘔吐毒猶蒸。

麻疹於欲出未出之時。宜早發散以解其毒。則無餘邪之為後災也。若不知解毒於初。使毒盡出。以致毒停蓄於中。未有不為殃者。或為壯熱。日久枯痺。或為驚癇。或為泄瀉。或咳痰。或血喘急。或嘔膿膿。而成肺癰。或作疔瘡而死。此雖一時癘氣之染。彼此相傳所致。而未有不由於人事之未盡者也。葉

斯道者。但見先出疹者。有為餘邪之發。死而不治。則復之初發者。即早為之預解。使無餘邪為害。而不至於夭札。方稱良工。但凡麻疹。只要出得盡。則毒便解。而正氣和平矣。若疹正收之際。而猶拂乚煩熱不寧。如蛇在灰。如蚓在塵之狀。或嘔吐。或注瀉者。此乃毒邪壅遏。尚未盡出。故也。煩熱者。以古方黃連解毒湯。見三十條加麥冬。生地。黃地。骨皮。牛蒡子。赤茯苓治之。嘔泄者。以柴胡橘皮湯。去人參。半夏。加枇杷葉。木通治之。倘果疹未出盡。以苧麻煎酒。或醃胡荽酒。啜之。待疹出盡。則煩熱自除。嘔瀉自止矣。如疹收後。只發熱而無他症者。以加減清肌湯。加黃連治之。如疹後有餘毒未盡。而發壯熱者。

以古方黃連解毒湯。見三十條加生地黃鮮地骨皮木通只三  
主之。如麻復身熱不除者。以紫胡四物湯。見三條去人參白朮  
川芎。加酒炒黃連。或生地骨皮湯。見三條加黃連治之。如麻後  
餘毒未清。餘熱未盡者。以十仙湯加骨皮。或連翹清毒飲。去  
赤芍桔梗甘草。加黃連黃芩地骨皮生地黃治之。如麻後餘  
毒未清。留滯肺經。致吐濃黃膿者。乃成肺癰之候。以桑連散  
治之。如不愈。以百部湯治之。倘不全愈。以花柳石丸治之。並  
以白芨為末。用猪肺切薄片蒸熟。蘸白芨末食之。若用此數  
方。如不愈。則成肺癰。宜以紫苑湯治之。

紫胡橘皮湯

柴胡 橘皮 黃芩 白茯苓 人參 半夏 甘草

竹茹一團生薑一片引水煎服

加減清肌湯

柴胡 黃芩 生地黃 當歸 地骨皮 黃芩 知母

淡竹葉七片引水煎服

仙湯

柴手 葛根 元參 黃連 黃芩 桂子 赤茯苓

只壳 生地黃 陳皮 生薑引水煎服

連翹清毒飲

連翹 防風 荆芥 牛蒡子 石膏 赤芍 桔梗

甘草 水煎服

桑連散

萊豆粉

桑白皮

蜜

苦參各五錢

天花粉各二錢

為末白湯送下三四茶匙

百部湯

地骨皮

麥冬

天冬

知母

元參

瓜蒌仁

百部根

百合

地龍根

水煎服

花藥石丸

地骨皮

百部

百合

天冬

麥冬各五錢

薏苡仁

花藥石各一兩

寒水石

胡黃連

各三錢

真熊胆三錢

為末菰豆粉合丸白湯下

紫苑湯

人參二錢 桔梗 白茯苓一兩 知母 貝母各一錢五分  
阿膠 紫苑 甘草各五分 水煎服

不食吃食大早食食不厭第一百零六

數日不食有何妨。麻色淡潤保無殃。吐出自汗相兼見。果係脾熱用瀉黃。

胃火蒸亡食頻吐。通利小水便安寧。喫食大早生奇症。咬指齦齦好怕人。

病於初熱未出之際。多有不食者。乃胃經火邪熾甚。故飽而不索食也。但得麻色淡紅潤澤。雖數日不進飲食。亦無妨害。不必強與之食。蓋熱毒未解。內蘊胃熱。自必不食。若見初熱未出及正出之時。以白虎解毒湯。見二十條去天花粉黃連山枝仁麥冬。加荊芥葛根牛蒡子連翹主之。使麻透盡。內熱清。



散。自能食也。出盡而不食者。宜清解胃火。以石膏解胃散。五  
衛九去赤芍甘草。量加健運之味。治之。麻收之後。如仍不食。  
者。以四物湯。五現二十加神曲山查麥芽。或更加砂仁。以三劑  
與服。則自能食。但方內有熟地黃。胃虛弱者。宜少用之。如元  
氣委頓者。急須培補。防有虛羸之患。若麻收後。胃虛而不納。  
五穀者。當以理脾養胃為主。宜以六仙散。見七治之。若麻後  
身熱不除。煩燥不食者。此屬膈熱。以河間涼膈散。見二十去  
芒硝天黃加丑牛以治之。如麻後身大熱。口渴不食。唇烈眼  
腫。閉大便秘小便不知出者。以河間涼膈散。見二十通利三  
四。即愈。若麻後臉青唇紫。身熱不食。乃毒火大甚。或瀉

或渴或咳嗽俱宜以古方黃連解毒湯見三十條倍用枝仁加薄荷葉地骨皮以二劑與服即愈。若麻收後而不思飲食鼻乾無涕者以清肺消毒湯除桔梗甘草加桑白皮貝母主之。若因先服涼藥過多。有傷脾胃身熱虛煩不食者以四君子湯見七十條去白朮加薏苡仁連翹牛蒡子解毒之味治之。但方中之人參。必要察人之虛實而施。須其臉不紅。口不渴唇不赤。方可用之。否則不宜。若麻不食而兼吐虫。則為胃敗不治之症。若麻後不食而吐虫。又兼自汗者。真是虛症。最為難治。用藥不當。變症多端。不可依麻初常法。當用辛溫解毒之劑。如果係脾熱。則以瀉黃散酌量加減而治之。凡出麻之後。

胃氣未平。飲食不可遽進。宜以清粥緩緩調和。使胃氣舒暢。漸進飲食。自無復患。痲後若喫食太早。咬指甲。撕口唇。搥眼。毛看手。咬人等症。宜以解毒化滯湯。去甘草桔梗。加青皮治之。又有痲收之後。貪食不厭者。乃胃火太盛所致。宜以大連翹飲。見十條去赤芍甘草柴胡。加地骨皮黃連石膏知母生地黃治之。

六仙散

馬蟻花 燒灰 蓮肉 薏苡仁 各二錢 藕節 一兩 釵石斛

陳早米 炒各五錢 為末米湯送下三錢

清肺消毒湯

防風

只壳各五分

連翹

前胡

黃芩

桔梗各一錢

荊芥

甘草各四分

水煎作十餘次服

瀉黃散

防風

四錢枝仁炒

藿香葉七分石膏五錢

甘草二錢

為末白湯送下或用蜜酒拌畧炒仍以白湯送下

解毒化滯湯

防風

荊芥

只壳炒

神曲炒

麥冬

去心炒各五分

連翹

黃芩

酒炒

前胡

各七分

茯苓

七分

查肉

甘草

各二分

桔梗

一錢

水煎

作十餘次服

癢後生瘡麻後遍身瘙癢第一百零七

浴早水氣泊腠裏。乾疥濕瘡由斯起。莫道小疾難為患。只愁終身瘡不已。

不知避忌見風早。遍身瘙癢如蟻蚤。此症不因浴早致。消風疎解痒如掃。

瘡疥之生。多見於麻收之後。皆緣生水澡浴太早。水氣流泊肌膚而發。是以癢後浴洗。必須過一月之後。若慮其生瘡也。如遇此症。即以防風荆芥艾葉煎湯洗之。或用苦參四兩。石菖蒲二兩。煎水。臨洗時。加入猪胆汁二三個。於水內洗之。或縛牆楓艾葉。楓樹葉。柑子葉。紅浮萍。煎水洗之。勿用生水洗。

亦不用治瘡。方藥薰洗。恐致閉毒。反裏變生他患。為害非小。然不早治。必致每歲對出麻之月而發。雖云小疾。亦須慎之。如麻後生瘡不已。此乃餘熱未盡所致。宜以連翹生地黃湯。或生地化毒煎。及胡麻丸。加何首烏。刺蒺藜。白芷。薄荷之類。煎服治之。或用苦參湯治之。如麻後餘毒未清。變生癰疽瘡。癰者。以解毒湯。加防風。荆芥。牛蒡子治之。或用陳氏苦參丸。荆防敗毒散。二見第去人參。加連翹。金銀花治之。若瘡如癰者。以胡麻散主之。如膿水淋漓。以羌活當歸散主之。若麻收之後。遍身癢痒者。又非浴早之比。乃見風太早所至。以消風散疏解之。其症即愈。如皮膚癢痒不能忍者。以二味消風散治之。

之

連翹生地黄湯 治麻毒未盡生瘡不已

連翹 生地黄 金銀花 皂角 黃連 荆芥穗 木通

胡麻仁 甘草 水煎服

生地化毒湯

生地黄 金銀花 白蒺藜 炒去刺連翹 元參 胡麻仁

白附子 煎豆水 何首烏 煎豆水 威靈仙 黃連 木通

薄荷葉 荆芥穗 甘草稍 乾紅浮萍為引水煎服

胡麻丸 治風熱癰疹及疹後瘙痒生瘡日久不愈

胡麻仁 四倍防風 威靈仙 苦參 各二 石膏 獨活

白附子烏豆水 甘草五分 烏末末糊食能白湯下

苦參湯

苦參 大細子去壳 荆芥 防風 白芷 何首烏烏豆水

獨活 白附子烏豆水 藏菟仙 胡蘇仁 北金竭炒米

姜黃蘇片 肉桂散炒去刺 牛蒡子炒 蘇劉本方無獨活

本方有甘草

鮮毒湯 治一切熱毒腫或風熱癰瘡

黃連 金銀花 連翹 水煎服

陳氏苦 遍身瘙癢癰疥瘡

苦 元參 黃連 大黃 獨活 只壳 防風



兩 黃芩 枝仁 白菊花 各一兩

為末置瓦瓶于火食後或茶或酒送下三四十九日三服

胡麻散 治風熱癰疹癰瘡治癰

胡麻仁一兩 苦參 刺楸 何首烏 各八錢 防風 錢靈仙

石膏 滑石 牛黃 白菊花 蔓荊子 白菊花 各六分

為末食後薄荷葉煎湯下或飲茶下亦可

羌活 當歸散 治癰疹癰瘡膿水淋漓

羌活 當歸 川芎 升麻 防風 白芷 刺楸 連翹

牛蒡子 黃連 胡麻 黃芩 甘草

以酒總拌晒乾酒煎服或以水煎用酒對服

消風散 治風熱咳嗽過目疥癩小兒痘疹餘熱癰瘡癰

川芎 羌活 防風 荆芥穗 薄荷葉 人參 赤茯苓

僵蚕各一錢 陳皮 厚朴 姜汁炒 炙甘草 各五分 蟬蛻一錢

一方無薑香有薄荷 水煎服 如久病頭風目翳日三服

此方妙用全在厚朴人參當如肌表之疾無不由胃而發故

用厚朴清其內即以人參助諸風藥消解風熱於外則

活防風荆芥方始得力耳

一味消風散 治皮膚瘙癢不可忍

薄荷葉 北蟬蛻去頭足 為末食遠酒下

見毒醫毒勿泥麻法第一百零八

風寒暈腥失禁忌。現點卽收不透肌。毒歸於內。肚角腫見毒。且將毒來醫。

麻有至六七日。稍受風寒。未忌暈腥。致四肢面部。暴有麻疹。影點現而卽收不見。不能透發於肌表。以至毒歸於裏。忽然肚角紅腫。似毒非毒。初用玉樞丹與服。令瀉數次。總用活命飲服之。後以人參黃芪白朮蟬蛻木通當歸之類。托出火毒。起頂出膿。用外科敷藥。與膏藥治之。自愈。此見毒醫毒之法。不可拘泥。麻毒清涼。而竟不敢用輔也。

上樞丹

又名太乙

解諸毒。治諸瘡。通治百病。有起死回生之

功

山茨菰洗去皮毛淨

五倍子打破洗淨焙乾各二錢

上麝香 雄淨皮毛

明珠砂

明雄黃各三錢

紅牙大戟

綿大戟紅柴胡切不可用去蘆根洗淨一兩五錢

千金子去壳油取淨者一兩

為細末秤過等分配合以粳米粉攪糊和丸或作錠子聽用

活命飲又名活命丹

治麻出即收忽爾作毒毒將出及毒出

後並宜

當歸

獨活

杜仲

秦艽

細辛

白茯苓

桑寄生

上肉桂

熟地黃

北防風

川芎

黃芪

甘草

加人參

水煎服

附錄進賢舒馳遠先生麻疹論一篇并案五條

安成阜山劉齊珍輯刊

麻疹論

經云痘稟于陰而成于陽。麻稟于陽而成于陰。此陰陽互根之妙也。麻乃先天真陽中之胎毒。然必得陰與之交感而後能生其化。故曰成于陰也。方其初發熱三日。必周身熱。似有汗而苗乃見。汗者陰之液發熱而熱亡者。陰陽交感。施化之驗也。苟非有熱亡之汗。則榮衛乾涸。腠理閉固。其苗何由而出耶。及其齊苗。務令顆粒紅活鮮明。是乃榮血附隨其氣。毓成佳碩。而精華發見於外也。其後以漸回壙。壙復之毒。俾歸氣。必由

感而化陰得之而為癰疽。癰疽者陰血之所為也。不致其速收。恐其餘毒復入內。必有後患。是功成于此。豈非成于陰乎。所謂麻稟陽而成于陰如此。然必內外無邪方能成功。邪則傷正。有害於麻法。當分經辨証。依法定方。使邪去而正無害。則榮衛和順。陰陽交會。無所往而無不得之矣。凡癰疽重者。兼發麻症。只要齊苗。苗齊劫后八九。其後不過調理而已。形色喜鮮明。而嫌暗滯。不妨其多。膿血出得透。則內無留毒。其症常兼咳嗽。及咽喉痛。咽痛治法。以甘草桔梗為主。相症加減。若紅腫惡熱。口渴尿赤。宜加黃芩生地牛蒡子。外用蘆艾蛇床子研末。新明。到盛燃吸烟。取出痰涎。咽痛漸愈。若不惡熱。舌胎白滑。宜加半。

夏南星。外用新茅半夏南星研末。吸烟出涎。若聲音重濁。更加  
阿膠。玉竹。雞子白之類。若不紅腫。舌胎滑而冷。不渴。惡寒喜熱。  
宜用半夏南星附子肉桂之類。外用油鹽大紙燃照其後頸。或  
用生附子研末吹之自愈。凡此不應。但引其端。而參詳其法。非  
畧也。用法不在打經。驗証。實在本氣。相屬。後贅。

### 附案

曾醫老庚。昔年二十有七。夏月出疹。頭身微熱。前患復紅。咽喉  
痛甚。時醫誤用紫芩。牛子。甘桔。等藥。轉加作泄。大泄數次。疹頓  
沉沒。咽喉轉閉。口不能言。人事恍惚。羣醫欲絕。時長有在坐。予  
謂天有曰。此証全是一團陰寒。在經。若用疹家通毒藥。必不可

生天有因。何以言之。予曰。若兩實有火。苗當繁茂。何得復紅。且  
咽喉雖痛而不赤腫。又無煩渴。熱等証。明明肝臟虛寒。陰火  
上攻也。且陽和布令百體順昌。麻疹傷陽。必乾陽始得出透。見  
點之時。如萌芽初吐。過陰慘肅殺之氣。摧殘所生。靡有孑遺。今  
值此陰邪橫發。燥火真陽而疹不沈。誤者幾希矣。惟是陡進附  
子乾姜半夏甘草白朮茯苓肉桂黃芪溫補兼行。以驅陰回陽。  
俾散劣悉返冲和。乃得功收再造。危乎微乎。

從姪經千年三十出疹。初發時心中煩燥。腹內疼熱。甚為刺床。  
彼因問三豆湯可服乎。余曰。可急煎服。于是心腹煩熱乃解。指  
不出現。人事暈眩。咳逆喘促。鼻唇扇動。詳察其証。知其為熱毒。



壅塞于肺。上壅則津液不行。肌竅不開。苗故不見。因用黃芩以清裏熱。阿膠麥冬以潤肺燥。桔梗開提肺氣。紫葛麥薄清解外熱。甘草緩中。杏仁定喘。服二劑。苗雖出透。而色皆紫黑。人事更覺沈重。飲食一點不能下。余情謂其家曰。麻書有云。淡紅者生。紫黑者死。其家駭怖。無似余復安之曰。豈真死症耶。但其症極險耳。此為內熱甚而血結也。其証舌乾口臭。惡熱喜冷。聲音响亮。仍用黃芩麥冬阿膠。以清內熱而潤肺燥。加以丹皮瀉血中之熱。合紅花之活血者。以散血結。曉遇牛蒡解其外毒。黃連甘草解其內毒。連進三劑。人事漸安。飲食漸可。紫黑漸退而麻疹塌矣。然有陰邪內盛者。苗亦紫黑。法宜驅陰回陽。其証舌潤不

渴聲低息。短弱寒熱。與此不同。

前月其弟字志于者。年二十一歲。疹出甚艱。信任內戚所薦之醫。不知解托。概用寒涼。遏鬱胎氣。而不能出透。至九日而死。經于謂其弟不自謹慎。起居失節。飲食失調。以至此耳。傷哉。其弟為庸醫所殺。不歸罪於醫。而反躬自責。足徵心地淳良。皇天豈無默庇。所以自出疹疹。其症雖險。而終無害也。竊謂賞善自應。罰惡殺命之醫。寧不速誅之耶。抑何日得蒙上天併顯誅其薦醫之人。方快吾心焉耳。坊云。賢不薦醫。上為賢人所不薦。獨愚人可得而薦乎。于是余又痛恨夫薦醫殺人者。自醫天瑞之子。大熱大渴。舌乾口苦。咽喉腫痺。氣喘腹痛。下痢。

紅白小便赤熱。苗色紫而暗。此為火邪充斥三焦。俱為熱壅。傷津心渴。觸肺而喘。上攻而為喉痺。下迫而便紅白。精津血脈受其煎熬。故苗色不紅。口苦者。少陽之裏熱也。方用柴胡黃芩清鮮少陽。大黃通瀉三焦實熱。桃仁引三焦之火。屈曲下行。生地紫草以解血分之熱。杏仁定喘。桔梗開提。甘草和中。服一劑。諸証畧殺。但腹痛未減。小便如故。是復用神妙六一散二錢。和梗煎湯化服。使桔梗通天氣于地道。則氣不滯而腹自疎。六一散。開支河以瀉小腸之熱。一服而小便通。腹痛即愈。次日治轉紅活。諸証俱已。于是方中減去柴乎黃芩大黃桃仁。更加當歸茯苓數劑。而全愈矣。

曾醫國先之條。面色微紅。煩燥。口渴。身微熱。而腫。清涎成塊。飲食不思。小便短。大便閉。予細察之。此証內真寒而外微熱。其人惡寒。身倦欲寐。乃少陰証也。內有真寒。舌胎滑而冷。口雖渴而喜熱飲。且不能多飲。小便短。大便閉者。以清涎上湧。津液逆而不降也。諸証皆非真熱。乃假象也。方用附子白朮茯苓半夏吳萸服一劑。面色微轉。人事飲食亦漸就康。再投一劑。口唇全愈。清涎亦不吐矣。大便初硬後溏。旋即又行。轉紅白痢。吾知其裏邪從下行矣。亦胃氣有權。穢腐當去之徵也。但小便仍短。方中重用肉桂末。藥內化服三四劑。諸証皆愈。而成功矣。

附錄胥山王琦先生醫林指月書內論瘡一篇附證一則

安成阜山劉齊珍輯刊

瘡論

瘡猶錯也。皮膚甲錯之謂也。俗名曰瘡。實係疹也。紅點隱。謂之隱疹。亡之根源。乃毫毛之內。皮腠之間。因于寒致血凝滯。其凝滯之血。散發于皮膚之外。則發而為疹。蓋人身通體毫毛之氣。肺所主也。毫毛之內。腠理之外。則秉胞中之血。熱肉充膚。滲皮毛。肝所主也。皮膚寒而血凝滯。始焉凝滯。繼欲流通。則發熱咳嗽。散而為疹。亡之發也。有稀少。有稠密。極稀少者。不過數點。以及數十點。極稠密者。則週身頭面。無有空隙。醫者不知其

故見有數點。即行攻發。若皮膚肌腠之間。果有熱毒。則發熱咳嗽。自當湧出。其不即能出者。非肌表不和。即氣虛不根。治之之法。當以紅花歸芎荊柴羌丹之劑。和其肌表。或以桂枝茯苓歸芍苓甘之劑。助其氣虛。若槩以蕪麻前杏苓連石膏之劑。投之。其氣虛不出者。此為虛其原本。亡自稀少者。此為無故受賊。非惟疹不能出。其經脈表裏受虧。致身大熱。而喘急生。愈熱愈表。愈喘愈發。輕者重。重者死矣。蓋痘之發也。見有一二點。其勢必出。疹之發也。見有一二點。可出可不出。若肌表果有凝滯之疹。則身熱咳嗽。其勢自出。若無疹。則止此數點。不能再增。善治者。明乎此理。不行政發。但調其經絡。和其榮衛。虛者補之。寒者溫之。

之則熱退身安而愈。無奈紫昧不明。當疹毒盛行之時。見有數點。即行攻發。轉攻轉劇。愈發愈危。必致真氣虛敗而死。真可痛耳。夫痘毒起于腎。不從經脈而出。而為腎經痘。雖有良醫不能挽回。若疹則其根源在于肌腠皮膚。上膝之血根于胞中血海。膚腠寒而胞血稽遲。則有疹毒之證。得其源而活法以治。或聽其自然而不加妄治。百無一死也。

附證

己巳春。長男甫六歲。次男甫三歲。于元旦次日。俱發熱。見疹。余初不知疹之根源。以為嬰兒生下時。口含惡血。開聲嚔下。其後發為疹毒。治疹自當攻發。即用清涼透發之劑服之。次朝暑增。

十餘點。究不暢達。心甚惶惑。長男七月而生。先天怯薄。問其胸膈寬否。何如。荅曰。飢甚。又問口味燥苦何如。荅曰。淡甚。因知其虛。即投芩朮苓甘桂枝紅花一二劑。次朝疹發遍身。熱稍退而神情猶煩躁。夜發熱頻咳嗽。至一月方安。蓋因見點之初。過服表劑。虛其經脉故也。次男尚幼。未省人事。不能致問。上冬患肺風痰喘。證諸藥不效。服麻杏桂枝石膏湯一劑。而痊。謂其稟質畧強。不與長男同。其疹不透。必寒凝毒甚。因與種麻前杏黃苓石膏藥。紅點不增。又與紫葳蔥薑芫花等煎之。熨之。疹總不出。乃與同道諸公商之。俱云。舍透發並無別法。至五日而口吐蛔蟲。兒醫曰。此熱極蟲生。余有牛黃散。可與服之。牛黃散。即大黃



末也。一服痰喘止。而神氣稍平。自是此兒遂無言矣。計無可施。復針百會穴。開其瘡門。服西黃分許。及諸單方。觀其形證。實不能生。友人張衛生來望。因曰。此大虛大寒證也。今既無言。又不能食。恐無濟矣。然心猶不忍。勉投參附。含藥而亡。因自嘆曰。此庸醫現身食報。天理當然。自身行醫。何尤乎人。因悔昔日所見之皆非。益信治病求本之不謬。次日有同居甥汪姓者。伊子出瘡。已經三日。見余。際悲傷。不邀診視。自用前杏林黃石膏藥一。二劑。疹出廿餘點。不能再增。心胸煩悶。不得已而告余。乞余診視。余曰。若再攻發。即如吾子矣。急與萊菔。木薑。桂。苓。紅花等。服一劑。而熱退身安。余曰。此始悟疹之根原。凡治疹。但調其氣血。

和其經絡寒涼。攻發緊置之不用。所以屢治而屢效也。次年春  
友人吳題仙之子。甫一歲出瘡。延兒醫馬聖則兄診治之。攻發  
不透。神情恍惚。喘急不寧。又延余診視。余往其宅。聖兄先至。余  
視之。知其虛也。因告生人曰。若但發瘡。已斷不出。必至身命不  
保。主人曰。為之奈何。余曰。惟有溫補藥一劑。益其藏府。安其腸  
胃。助其氣血。方可。聖兄曰。吾治四朝。不能透發。悉聽尊裁。余即  
與芪朮姜桂歸芍苓甘銀花紅花。諸味一劑而安。次日仍用原  
方。加入參一錢。此後並不服藥。連服獨參湯。數日霍然矣。又有  
夏姓耀如之子。出瘡。其顏色紫黯。神氣不寧。余曰。此證大凶。治  
須得法。連看二次。皆用溫散藥。次早其家人來告曰。口吐蛔蟲。

另有藥否。余曰昨藥二劑俱服否耶。曰尚存一劑。因與附子八分。令入藥內煎服。自此遂無音耗。越三載至其家。見其子長大。余因問曰。昔年出瘡吐衄。何由得愈。其家答曰。服先生之藥後。因無力相延。伏天覆庇。得以漸愈。余默嘆曰。因死吾子。得生他人。治疹之法。可無憾矣。余因附載斯冊。雖不能見信於兒醫。而正道闡明。實有裨於兒科治疹之根源。而為有子出瘡者所當致慎也夫。

跋

自來可法而可傳者類皆身心性命之編此活  
人一冊所由壽世也第有傳書而遞續傳書者  
不得其人勢必簡斷篇殘甚至以贗亂真而不  
可救斯即善藏如楊玠善閱如王充其如無善  
本何湘西李星懷堂好善士林也余擁皋比十  
稔竊嘗窺其居恆范堯夫之憐貧寶禹鈞之濟

急蓋駸駸乎其力效之今又不惜工資續梓是  
書以傳世更復遙遙相望於同志蓋本乎普憐  
濟之善心充之以利人身心性命於無量而又  
逆知人之好善誰不如我是誠心前賢之心以  
心後賢之心者所繫豈淺鮮哉余亦不禁心心  
相印因誌數語以殿其編云

滄甯張壽基敬軒氏謹跋